

Muchanan di Rei Momo si a 'Celebra Carnaval 50'



Y Carnaval 50 a celebra nan bek otorgando na e grupo aki su fantasia e di cuater luga den e categoria di Miho Grupo, ademas di e titulo di Grupo Mas Creativo y di dos luga den e categoria di roadpiece. Y en berdad e creatividad di e grupo aki mester a wordo premia pasobra djis dor di uza e colorman basico, esta blou, gel y cora, nan a logra crea roadpiece y disfrasan sumamente bunita. Sigur nan tabata un di e gruponan cu mas a resalta riba

ruta di Oranjestad.

Nan a subi caminda cu un total di 80 mucha anima pa e musica di Slide Fox Disco y dirigi pa Ivan Nava. For di prome instante cu a wak e muchanan aki na San Nicolas, a keda impresionado pa nan presencia riba caminda y con di un manera simpel, pero un biaha mas bunita y luoso, a logra trece diferente aspecto di Carnaval y e participacion di muchanan den esaki.

